

Svetiūs šimtakuoje...

Tavėj linksmā palinkiejau,
Kad ī svetius atetom špietnos
Ēlgs ēlgs šimtakuojis
So žekiem soragiejusiuoms ont kuoju,
Kad prēstatītom šlapiū bātu
Ne do, vuo vēsa šimta!
Tava prēminiuo mažītie
Bēnt posė gal sotėlptom?
No... ėr sosėādė žekės sāva
Kelalės rame sau lingava
Do draugelė šimtakuojė,
Kvēitėma mona soviliuotė.
Vuo kad baisė neliūdietom
Ēr pardaug neprėvėišietom,
Pasėčiopa sau pu draugė —
Šimtakuojalės pu paronkiem!
No, kou to, pėkta siekla, niorni?!—
Kuoju šimtā, bet ne bornū!
Spakainė šildīk batvėnīnė,
Mislīk, kuokius kelalius nomīnė
400 batu ėr basankiu,
Dabā anei trīpčiuo pri gonkieliu!
No, kou to monėj prilinkiejė?
Bātu kalnus mon pridiejė!
Žekės aukštas sosėstatė!..
Dabā ... pats gali atėtė!!!